

嚴濟寬編著

中國民族英雄傳記

商務印書館發行

教員專

78
6

嚴濟寬著

中國民族女英雄傳記

中華民國三十四年十二月重慶初版
中華民國三十六年八月上海初版

香

中國民族女英雄傳記一冊

◆(95673.1 匯報紙)

定價國幣貳元伍角

印刷地點外另加運費

著者 嚴 濟 寬

發行人 朱經農

上海河南中路

印刷所
商務印書館

發行所 商務印書館

各地

版 權 所 有
翻 印 必 究

吳序

吾鄉嚴子伯僑通才碩學，爲太倉唐先生高弟子。分職黨中，課績亦上第。出長海疆大邑，又以廉能稱。方欲大有爲，抗戰軍興，遂暫調後方工作。其對於抗戰有關係之文化事業，戮力又多。於百忙中計及衛國之力量，當無分於男女，能全體動員，則國力愈充。例如敵國人口單薄，與數百萬之師，深陷於南北萬里廣大錯雜之戰場，已支絀於分配，經年頓兵山岳之區，其難倍蓰於堅城，在兵法爲必敗。而所以勉強在短時之中，能國之百業未全停毀，內亂尙蘊釀而未發者，則五十年女子職業之教育，曾稍注意，因而商肆之職工，徵調一空，應估客者皆以女子，舟車之匠役，徵調又一空，司行駛與司發斂者又以女子，至於農村之田夫，工廠之壯丁，當然全數徵發，女子本爲助手，今則由老邁男子之領護，女子則爲田作廠工之中堅，此則男女全體動員之小效。我國人口六七倍於敵，所以亦興數百萬之師以應敵，而商肆之職工，舟車之匠役，農村之田夫，工廠之壯丁，十九未調，未取女子爲替人，更未取以爲中堅。卽我國女子之貞操，自遠駕於敵女，女子之解放，亦遠勝於敵女，女子可以從容敦詩書，談文化，理酒漿，本不屑屑於職業。抗戰之動員，男子尙未全體，更何論女子。男子少數之從軍，已足勝前敵對壘，女子亦以少數自動，爲宣傳救護之工作，已足張後方助力。

然而嚴子以爲若以我國六七倍之人口，果如十年來領袖蔣公之注意軍訓，而軍訓且並及女子。果受軍訓之男子，全體動員，早已驅敵於海外。更同受軍訓之男女全體，皆能動員，則東亞萬年之和平，可永久保障，豈區區女子職業教育，僅恃女子支持後方商肆舟車農村工廠爲哉。即驅敵海外之輕便工作，亦不必僅恃男子動員之全體，而女子亦可以相當斬參。故嚴子循覽前代故實，遂有中國民族女英雄傳記之作，以供我女同胞之興感。

稿來徵序，適最近十一月二十五日倫敦泰晤士報載稱：

「日軍深陷中國之泥淖中，年來攻勢之失敗，顯而易見。中國正規軍之力量，愈極充足，絕不受日佔北海等之影響。日軍爲中國游擊隊所困，厭倦長期戰爭，其士氣已餒。明知不能獲得決戰之勝利，故欲利用政治陰謀。但如利用汪兆銘之徒，才具人格，能否滿其希望，實成問題。」

外人平心觀察，頑敵士氣之餒，爲游擊隊所困，亦一最大動力。倘有如趙同君母親之女同胞，廣組游擊隊，則敵氣之餒，又將如何。惜乎向日多數成見，以爲女子文藝以外，治科學、參工程，在時世亦已相當需要，惟尙可以不必習軍旅。故寇之所至，不惟女子多數束手，不能增游擊隊之死力，而且普受獸寇之侮辱。倘早推領袖軍訓女子之旨，排除不必習軍旅之成見，非但女子心細，組成游擊隊之縝密。而且如秦良玉將軍之倫者，當不一其人，則女子正規軍之異峯別起，所謂愈抗益強者，敵早棄甲曳兵而遁矣。

古者男子生，桑弧蓬矢，祝其能武。惟於女子，載弄之瓦，酒食是儀。本其內外分職，生理體力不同，種種武謬之觀察，以男女之全體爲劃分。違乎男女之個性，各有殊稟，遂造女子不宜於軍旅之成見，而且中外一致。我國近古宋明儒者，且主張男子亦應文武分途，迹其致誤之由，或即誤解孔子之對衛靈公，謂俎豆之事，則嘗聞之，軍旅之事，未之學也，以爲聖賢氣象，全顯見於章甫拖紳，雍容俎豆之旁。故至外患交侵，互以千年。而未知冉有克齊師於郎，季康子問曰，子之於軍旅，學之乎，性之乎，冉有曰，學之於孔子。是孔子明明一桑弧蓬矢，不負能武之男子。其對衛靈公之權詞，特惡其無道而欲弄兵耳，幸而近代學聖賢者，如王文成、如曾文正，皆能將兵多多益善，爲聖賢之男子吐氣。不然，軍旅之事，皆將諉之於不學之男子，辱以丘八賤士之惡名，一方面又託以衛國之重任矣。宜乎互以千年之外患，方繼續而不止。外人未嘗有男子文武分途之誤解，以爲人皆可以爲聖賢者，即人皆可以任軍旅，即望人人可以衛國。惟向未悟吾人之可爲聖賢，固無分於男女。既無分於男女，皆有衛國之義務，即皆當習軍旅。軍旅者，爲人人衛國學問中之一事。領袖蔣公之軍訓及於女子，斯其爲先覺矣。人人習軍旅，固不必人人治軍旅，男子然，女子亦然。其個性強者，女子亦可以任將帥。女子無事時，即教詩書，談文化，治酒漿，亦無不可。艱難之會，游擊隊固投簪環甲而進，今日同樣截髮之女子，當早已知其非在長袖高髻之時代矣。讀嚴子傳記之女同胞，盡興乎來。

中華民國二十有八年十二月武進吳敬恆序

序

嚴君伯喬曾任贛榆縣長，有政績，頃任教於國立同濟大學，暇時編中國民族女英雄傳記二卷，將付印，屬余爲之序。余讀其書，以女子之有謀勇，知大義，能抗外患者，始馮嫺，迄秋瑾，約三十餘人爲內編，其廬以武烈著者爲外編，附於後，蓋其意在發揚民族之精神，非苟焉而作者。余聞之，當母系社會之時，其婦女大率英勇矯健，平時致力於生產，有事效命於疆場，固無異於男子也。迨入於父系社會，女子既失其獨立之精神，拘牽於家庭瑣屑，乃多痿弱不任勞苦，又安能望其執干戈冒鋒鏑以禦寇賊乎？於是徒爲悅己者容，施鉛華、御綃、貫耳、畫眉、束腰、裹足、習於柔媚，以此爲婦德。一旦變亂卒起，強暴入室，但以得死爲貞烈，而其橫被摧辱，淪爲妾侍，爲伎樂，吞聲飲泣，含垢蒙恥者，又何可勝紀哉。夫打擊者當還之以打擊，國家民族之仇敵，方甘心於我，此不盡匹夫之責也。昔者英軍侵法，法有農家女貞德（Jeanne D'Arc）者，方十九歲，率勇士六千，救奧爾良城，十四日而圍解，舉世爲之震驚。法人至今頌道之。讀此書者，緬懷前烈，其亦有攘臂而起者乎？民國二十八年十二月四日同學弟秀水唐蘭謹序。時在昆明才盛巷北京大學公舍。

目次

內編

馮夫人	一
李秀	二
朱序母韓	三
劉遐妻邵	三
洗夫人	四
木蘭	七
誠節夫人奚	一〇
徇忠縣君高	一〇
燕郡夫人劉	一〇
梁夫人	一一
晏恭人	一三
折太君	一四

楊文廣妻慕容	一四
周虎母和國	一五
岑彭妻瓦	一五
蕭如薰妻楊	一七
張忠烈夫人霍	一七
秦良玉	一八
沈雲英	二七
鄧夫人	二九
劉淑英	三二
沈鶯娘	三三
周夫人	三五
寧藩世子妃彭	三六
畢著	三八
岑太君	三八
洪宣嬌	三九
洪秀全妃蕭	四一

楊二姑	四二
韓寶英	四三
馮婉貞	四四
翠雲娘	四五
孫武壯公媳林	四六
鑑湖女俠秋瑾	四六
尹銳子	五〇

外編

徐琨母	五二
孫夫人	五二
關索妻	五四
荀灌	五六
顧琛母孔	五七
謝道韞	五七
張茂妻陸	五八

吳潭母孫	五八
石勒妻劉	五八
苻登妻毛	五九
李特妻羅	五九
苟金龍妻劉	六〇
孫道溫妻趙	六一
任城國太妃孟	六二
楊大眼妻潘	六二
平陽公主	六三
李商胡母霍	六四
冀國夫人任	六四
李侃妻楊	六五
侯四娘 唐四姑 王二娘	六六
紅線	六七
秦國夫人劉	七〇
顯佑夫人虞	七一

繡旗女將劉·····	七一
遼太祖后·····	七二
蕭后·····	七三
沙里質·····	七四
阿魯真·····	七四
韓貞女·····	七五
奢香·····	七五
吳允誠妻及媳·····	七八
蔡九娘·····	七八
阿曩·····	七九
蔡女將軍·····	七九
林興妻蘇·····	八〇
羅恭人·····	八〇
岑瑄妻及女·····	八〇
劉節之妻王·····	八一
忠順夫人·····	八一

夜梅	八二
張鐸妻丁	八二
張國綜妻楊	八三
青嘉努妻 納岱妻 邁圖妻	八三
張延祚妻蔡	八四
孔四貞	八五
徐襄毅妻許夫人	八六
李淑貞	八七
包鳳英	八九
沈葆楨妻林夫人	九〇
沈彩霞	九二
孝烈夫人	九四
莫遠猷母池	九四
劉崇鼎母張	九五
崔龍見妻錢	九五

附錄

姚鼐吳宮教戰詩·····	九七
俞樾二喬觀兵書圖·····	九七
杜甫觀公孫大娘弟子舞劍器行·····	九八
胡天游美人戎裝詞·····	九八
黃汝亨詩·····	九八
趙翼石女歌·····	九九
辛亥革命女子北伐隊宣言·····	一〇〇
新女兒行·····	一〇一

中國民族女英雄傳記

內編

馮夫人

馮夫人，名康，本楚主侍者。能史書，有武幹，內習漢事，外通西域諸國事。嘗持漢節爲公主使，行賞賜於城郭，諸國敬信之，號曰馮夫人。爲烏孫右大將妻。

右大將與烏就屠相友善。都護鄭吉，特使馮夫人說烏就屠使歸漢。烏就屠恐曰：「願得小號以自處」。宣帝徵馮夫人自問狀；並遣謁者，送馮夫人錦車，使持節詔烏就屠詣長羅侯赤谷城。立楚主子元貴靡爲大昆彌，烏就屠爲小昆彌，皆賜印綬。

見通鑑

案：茶餘客話載：羅龍畫錦車出塞圖，寫馮夫人和戎故事。楊升庵言，此事罕入詩，惟劉孝威「錦車勞遠駕」；駱賓王「錦車朝促候，刁斗夜傳呼」，一句一聯耳。此事可畫可歌，遠勝明妃蔡琰。

李秀

夫人李秀，字叔賢，晉天水人也。有才智，精騎射，性明達剛毅，平居好馳馬說劍，人爭奇之。適漢嘉太守新都王載。

晉武帝時，夫人之父名毅，徙犍爲爲南夷校尉。犍爲民毛詵，李叡，與朱提民李孟，共逐太守杜俊雍，相約叛亂，擁衆數萬。毅討破之，斬詵、孟首，叡走依五茶夷。朝廷復置寧州，以毅爲刺史，加龍驤將軍，封成都縣侯，領雲南三十七部。羣夷益譁變，大舉破沒郡縣，攻圍州城。

時中原多故，而李雄據蜀，救援不至。毅憂憤成疾，卒於窮城。其子釗在洛，聞耗馳還。經、幹柯路塞，停住交州不能行。州文武推夫人領州事。又以其夫王載領南夷龍驤參軍。

夫人見時危勢急，卽出任鰲鉅，獎勵戰討，嬰城固守。城中糧盡，薰鼠及煮草木以爲食。夫人志氣愈厲，親擐甲冑，秣馬厲兵，俟蠻怠緩，突出擊之，蠻兵敗走，終得保完。時以夫人所築城爲天女城。

事聞。詔以夫人爲寧州刺史，南蠻校尉，嗣父統三十七部。夫人在職三十餘年，治民用兵，各有條法，羣夷懾服，州民肅安，境內清晏無一事。終於州任，百姓哀號，若喪考妣。相與立廟，歲時致祭。水旱疫癘，禱之必應。

隋開皇中，封爲鎮靖夫人。唐武德元年，羣蠻叛擾，圍寧州城，刺史龔弘達禱於祠。是夜風雨晦暝，蠻兵驚亂，因而擊之，大潰，州境遂平，弘達上其事於朝，加封鎮靖明惠夫人。開元初，賜其廟額曰忠烈之廟。

見華陽國志 四川總志 南詔通記 賈貢忠烈祠記

朱序母韓

韓氏，晉朱序母也。雄武曉兵機。寧康初，序拜南中郎將梁州刺史，鎮襄陽。秦王苻堅，遣其將苻丕等率衆圍攻襄陽。序督師固守中城。先是韓氏聞秦兵將至，自登城周巡城堡，謂西北角不固，當先崩。遂領百餘婢，及城中女丁，於其內斜築城二十餘丈。秦兵至攻西北角，果潰，衆便固守斜城。賊久攻不能克，糧盡引退，序率衆追擊之，大敗秦師。

衆謂此役也，苟非夫人之事前設防周密，則全城民衆俱無噍類矣，因謂此城爲夫人城。

見晉書

劉遐妻邵

廣平易陽人劉遐，性果毅，便弓馬。值天下大亂，遐爲塢主，每擊賊，率壯士陷堅摧鋒，冀方比之關羽張飛。